

Na osnovu člana 51. tačka a) Zakona o visokom obrazovanju - prečišćen tekst ("Sl. novine Tuzlanskog kantona", br. : 21/21, 22/21, 5/22, 11/22 i 16/22), te članova 50. stav (1) tačka 1) i 295. stav (2) Statuta JU Univerzitet u Tuzli-Prečišćeni tekst, na prijedlog Rektora i uz konsultacije sa reprezentativnim Sindikatom, Upravni odbor Univerziteta u Tuzli na sjednici održanoj 22.11.2023. godine donio je

**PRAVILNIK  
O IZMJENAMA I DOPUNAMA  
PRAVILNIKA O RADU UNIVERZITETA U TUZLI – Drugi prečišćeni tekst**

**Član 1.**

U Pravilniku o radu Univerziteta u Tuzli – Drugi prečišćeni tekst (broj: 04-2214-1-2/22 od 20.04.2022.godine i broj: 04-4562-1-4/22 od 07.09.2022. godine), u članu 30. stav (1) na kraju druge rečenice tačka se zamjenjuje zarezom i dodaje tekst: „te bodove po kriteriju „pripadnost braniocima i članovima njihovih porodica“ na način utvrđen u članu 32. ovog Pravilnika.“

U istom članu iza stava (3) dodaju se novi st. (4), (5), (6) i (7) koji glase:

- „(4) Kandidatima koji ostvare bodovni minimum, a pripadaju kategoriji boračke populacije, na ukupan broj bodova ostvarenih na ispitima dodaju se dodatni bodovi po kriteriju „pripadnost braniocima i članovima njihovih porodica“ na način utvrđen u članu 32. ovog Pravilnika.
- (5) Ukoliko dva ili više kandidata nakon izvršenog bodovanja iz stava (4) ovog člana ostvare isti broj bodova, prednost ima kandidat koji po posebnom zakonu ima prioritet pri zapošljavanju.
- (6) Prioritet pri zapošljavanju kandidat dokazuje odgovarajućim dokazima (potvrda, rješenje, uvjerenje i sl,) koje prilaže prilikom prijave na konkurs/oglas, pozivajući se na poseban zakon po kojem ima prednost.
- (7) Ukoliko dva ili više kandidata nakon izvršenog bodovanja iz stava (4) ovog člana ostvare isti broj bodova, a da pri tome nemaju pravo na prioritet u smislu stava (5) ovog člana, prednost ima kandidat koji je na ispitima ostvario veći broj bodova.“

**Član 2.**

Član 32. se mijenja i glasi:


- „(1) Kriterij „pripadnost braniocima i članovima njihovih porodica“ primjenjuje se na kandidata koji pripada licima iz člana 1. stav (1) i (2) Zakona o dopunskim pravima branilaca i članova njihovih porodica - Drugi prečišćeni tekst („Službene novine TK“, broj: 10/20, 14/22 i 9/23) čija je prijava blagovremena i potpuna i koji ispunjava opšte i posebne uslove za obavljanje poslova radnog mjesta, a ima status nezaposlenog lica na evidenciji Kantonalne službe za zapošljavanje.
- (2) Kriterij iz stava 1. ovog člana ne primjenjuje se na kandidata kojem je radni odnos zasnovan po osnovu ranije ostvarenog prioriteta pri zapošljavanju, prestao njegovom krivicom ili je po prestanku radnog odnosa ostvario pravo na otpremninu, odnosno koji je korisnik prava na porodičnu penziju.
- (3) Pripadnost braniocima i članovima njihovih porodica vrednuje se slijedećim redoslijedom:
  - a) član porodice šehida, poginulog, umrlog i nestalog branioca,
  - b) ratni vojni invalid,
  - c) dobitnik ratnog priznanja i odlikovanja,
  - d) demobilisani branilac i
  - e) član porodice ratnog vojnog invalida, dobitnika ratnog priznanja i odlikovanja i demobilisanog branioca.
- (4) Vrednovanje kriterija „pripadnost braniocima i članovima njihovih porodica“ iskazuje se kroz dodatne bodove koji se utvrđuju na način da se ukupan broj bodova koji su kandidati ostvarili na ispitima, a u zavisnosti od pripadnosti boračkoj populaciji, pomnoži procentima kako slijedi:

- a) licu u statusu člana porodice šehida, poginulog, umrlog i nestalog branioca ..... 30 %  
 b) licu u statusu ratnog vojnog invalida sa i preko 60% vojnog invaliditeta .....25 %  
 c) licu u statusu ratnog vojnog invalida do 60 % vojnog invaliditeta ..... 24 %  
 d) licu u statusu demobilisanog branioca sa i preko 24 mjeseca učešća u OS ..... 23 %  
 e) licu u statusu demobilisanog branioca od 12 do 24 mjeseca učešća u OS ..... 21 %  
 f) licu u statusu člana porodice ratnog vojnog invalida ..... 22 %  
 g) licu u statusu člana porodice demobilisanog branioca sa i preko 24 mjeseca učešća u OS ..... 20 %  
 h) licu u statusu člana porodice demobilisanog branioca od 12 do 24 mjeseca učešća u OS.....19 %
- (5) Dobitniku priznanja i odlikovanja iz reda: Značka „Zlatni ljiljan“, Red hrvatskog trolista, Orden slobode, Red bana Jelačića, Orden Heroja oslobodilačkog rata, Red Nikole Šubića- Zrinjskog, Orden oslobođenja, Red Kneza Domagoja sa ogrlicom, Orden „Zlatnog grba sa mačevima“, Orden „Zlatnog ljiljana sa zlatnim vijencem“, Orden „Zlatnog ljiljana sa srebrenim vijencem“, Medalja za hrabrost, Medalja pobjeda, Medalja otpora, Medalja za vojne zasluge, Policijska Medalja za hrabrost i Zlatna policijska značka – zvijezda, na bodove iz stava 4. ovog člana, pripada po dodatnih..... 5 bodova.
- (6) Djetetu dobitnika priznanja i odlikovanja iz reda: Značka „Zlatni ljiljan“, Red hrvatskog trolista, Orden slobode, Red bana Jelačića, Orden Heroja oslobodilačkog rata, Red Nikole Šubića-Zrinjskog, Orden oslobođenja, Red Kneza Domagoja sa ogrlicom, Orden „Zlatnog grba sa mačevima“, Red hrvatskog pletera, Orden „Zlatnog ljiljana sa zlatnim vijencem“, Orden „Zlatnog ljiljana sa srebrenim vijencem“, Medalja za hrabrost, Medalja pobjeda, Medalja otpora, Medalja za vojne zasluge, Policijska Medalja za hrabrost, Zlatna policijska značka-zvijezda, Srebrna policijska zvijezda, Srebrni štit i Nosilac „Partizanske spomenice 1941.“ na bodove iz stava 4. ovog člana, pripadaju po dodatna..... 4 boda.
- (7) Vrednovanje kriterija iz stava 1. ovog člana vrši se samo uz priložene dokaze izdate od strane nadležnog organa/sluzbe o pripadnosti odgovarajućoj kategoriji.
- (8) Kandidatu koji pripada boračkoj populaciji po više kategorija iz stava 4. ovog člana, vrednovat će se pripadnost samo po jednoj kategoriji i to onoj koja nosi više bodova.”

### Član 3.

Ovaj Pravilnik stupa na snagu osmog dana od dana njegovog objavljivanja na oglasnoj tabli Univerziteta u Tuzli.

UNIVERZITET U TUZLI  
 Broj: 04-6742-1-3/23  
 Tuzla, 22.11.2023.godine



PREDSJEDNIK  
 UPRAVNOG ODBORA

Dr.sc. Semir Ahmetbegović, vanr.prof.